

LUTRIJA BOSNE I HERCEGOVINE d.o.o.
SARAJEVO

Broj: 1835-8-SH/22

Datum: 11.08.2022. godine

Na osnovu člana 70. Zakona o javnim nabavkama BiH („Službeni glasnik BiH“, br. 39/14), člana 14. Pravilnika o javnim nabavkama Lutrije BiH br. 2805/19 od 17.09.2019. godine i Zapisnika o pregledu i ocjeni ponuda Komisije za javne nabavke br. 1835-7-SH/22 od 10.08.2022. godine, direktor Lutrije Bosne i Hercegovine, donosi

ODLUKU

**o izboru najpovoljnijeg ponuđača po otvorenom postupku
za javnu nabavku broj 103/22 od 13.07.2022. godine**

1. Kao najpovoljniji ponuđač po otvorenom postupku za javnu nabavku usluga broj 103/22, oglašavanje Lutrije BiH u programima TV kuća objavljenom na Portalu javnih nabavki BiH pod brojem 523-1-2-97-3-70/22 dana 13.07.2022. godine i u Službenom glasniku BiH br. 48/22 dana 22.07.2022. godine, a u skladu sa Zapisnikom o pregledu i ocjeni ponuda Komisije za javne nabavke, izabrane su ponude sljedećih ponuđača po LOT-ovima:

LOT 1: Oglašavanje Lutrije BiH u programu televizije TVSA

„JP TVSA“ d.o.o. Sarajevo, sa cijenom od 15.000,00 KM bez PDV-a.

LOT 2: Oglašavanje Lutrije BiH u programu televizije RTV SLON

„VIDIK“ d.o.o. Tuzla, sa cijenom od 4.505,00 KM bez PDV-a.

LOT 3: Oglašavanje Lutrije BiH u programu televizije O KANAL

„ASCANIUS MEDIA“ d.o.o. Sarajevo, sa cijenom od 6.000,00 KM bez PDV-a.

2. Ponude ponuđača iz tačke 1. ove odluke ocijenjene su prihvatljivim, jer ispunjavaju sve uvjete tražene Tenderskom dokumentacijom, a u skladu sa kriterijem za dodjelu ugovora ponuđači su ponudili najnižu cijenu.
3. Izabranim ponuđačima ponuditi dodjelu ugovora o javnoj nabavci.
4. Za realizaciju ove odluke odgovorni su Sektor za pravne i opšte poslove i Sektor za finansijske poslove.
5. Dalji postupak po ovoj odluci provesti u skladu sa Zakonom o javnim nabavkama BiH, te Pravilnikom o javnim nabavkama Lutrije BiH.
6. Ova odluka se primjenjuje danom donošenja.

Obrazloženje

U predmetnom postupku tri ponuđača je dostavilo svoje ponude i to: „JP TVSA“ d.o.o. Sarajevo za LOT 1, „VIDIK“ d.o.o. Tuzla za LOT 2 i „ASCANIUS MEDIA“ d.o.o. Sarajevo za LOT 3. Komisija za javne nabavke Lutrije BiH, imenovana Rješenjem broj 03-

1851/22 od 30.06.2022. godine, izvršila je pregled i evaluaciju dostavljenih ponuda, te je konstatovala da su dostavljene ponude prihvatljive. Nakon izvršenog pregleda i evaluacije dostavljenih ponuda, Komisija je dostavila direktoru Zapisnik o pregledu i ocjeni ponuda broj 1835-7-SH/22 od 10.08.2022. godine zajedno sa preporukom o izboru najpovoljnijeg ponuđača po LOT-ovima. U postupku ocjene provedenog postupka, direktor nije našao razloge, nepravilnosti niti propuste u radu, koje bi eventualno bile osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđači su dostavili prihvatljive ponude, a u skladu sa zahtjevima naznačenim u tenderskoj dokumentaciji, te kriterijem za dodjelu ugovora, ponuđači su ponudili najnižu cijenu za pojedini LOT. Obzirom da je pristigla po jedna prihvatljiva ponuda za svaki LOT, e-Aukcija nije održana.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi BiH putem Ugovornog organa i to na način propisan odredbama člana 99. Zakona o javnim nabavkama, u roku od 10 (deset) dana od dana prijema ove odluke.

Dostaviti:

- Sektor za pravne i opšte poslove
- Sektor za finansijske poslove
- Sektor za marketing
- Ponuđačima po javnoj nabavci broj 103/22
- Komisiji za javne nabavke
- Nadzornom odboru
- a/a.



DIREKTOR
Edhem Pašukan
Edhem Pašukan